



**"Prizma"
je izdala
više od
130.000
kredita u
ukupnom
iznosu
od blizu
200
miliona
KM**

Mikrokreditna
organizacija
iz Sarajeva
obilježila
značajan jubilej

Deset godina uspješnog poslovanja "Prizme"

N. MORAČA

FOJNICA - Mikrokreditna organizacija "Prizma" iz Sarajeva obilježila je deset godina postojanja i uspješnog poslovanja na tržištu BiH.

Vrijedan jubilej "Prizme" proslavljen je u Banjsko-hotelskom centru "Reumal" u Fojnici. Svečani jubilej bio je praćen nizom manifestacija kojima su obilježena sva dostignuća koja je ova organizacija postigla u svom desetogodišnjem radu.

Sublimirajući poslovne rezultate predstavnici

"Prizme" su kazali da je organizacija tokom desetogodišnjeg postojanja uspjela da se profilira kao jedna od vodećih mikrofinansijskih institucija u BiH. "Prizma" je, naime, u toku svog poslovanja izdala više od 130.000 kredita u ukupnom iznosu od blizu 200 miliona KM.

Osim dobrih poslovnih rezultata "Prizma" je u protekloj deceniji znatno proširila svoju mrežu na sadašnjih šest regionalnih centara - Sarajevo, Zenica, Mostar, Bihać, Banjaluka i Tuzla i 34 filijale, iz kojih više od 140 zaposlenih opslužuje klijente u više od 100 opština u cijeloj BiH. Takođe, rastao je i broj klijenata, koji danas

dostiže blizu 30.000 aktivnih, dok je portfolio organizacije premašio 45 miliona KM.

Generalni direktor "Prizme" Kenan Crnkčić istakao je ovom prilikom da je "Prizma" u toku 2007. godine uspješno završila proces preregistracije u skladu s novim zakonom i dobila licencu za rad od Agencije za bankarstvo FBiH.

"U ovoj godini osigurano je dodatno finansiranje za predstojeći period u iznosu od blizu 50 miliona KM", kazao je Crnkčić.

On je istakao da će sutra potpisati izuzetno značajan ugovor s Evropskom bankom za obnovu i razvoj (EBRD) vrijedan četiri miliona evra, čime je "Prizma" prepoznata kao organizacija koja ima svijetlu budućnost i koja je u stanju da prati savremene svjetske standarde i kriterijume u svakom domenu svog uspješnog poslovanja.

**Organizacija
trenutno ima oko
30.000 aktivnih
klijenata**

Proslavu jubileja su uveli i bh. izvodači, među kojima mladi i perspektivni pjevač Nedžad - Neno Murić i doajen bh. muzičke scene Halid Bešlić.